



502.

<sup>13</sup>  
ORDINIS MEDICORVM  
IN  
ACADEMIA VVITTENBERGENSI  
H. T. DECANVS  
ABRAHAMVS  
VATER

D. et P. P.

ANAT. ET BOTAN. SVBSTITVT. NEC NON  
SOCIETATVM IMP. NAT. CVR. ET REG.  
BRITANN. SOCIVS

LECTORI BENEVOLO  
SALVTEM DICIT

ORDINIS MEDICORVM  
IN  
ACADEMIA WITTENBERGENSI  
H. T. DECANVS  
ABRAHAMVS  
VATER  
D. et F. P.  
ANAT. ET BOTAN. SVBSTITVT. NEC NON  
SOCIETATVM IMP. NAT. CIV. ET REG.  
BRITANN. SOCIVS  
LECTORI BENEFICIO  
SACRILEX D. CIV.





hirurgiam, quae primum pars  
 Medicinae habita, et sub iis-  
 dem auctoribus nata est, ar-  
 tem antiquissimam, ac Medi-  
 cina forte uetustiore esse,  
 nemo facile inficias ibit. Pri-  
 mi enim Medici, de quibus aliquid memoriae  
 proditum legimus, Chirugos potissimum fuisse,  
 monumenta loquuntur. Podalirius quippe et  
 Machaon magni Aesculapii filii, quorum lau-  
 des cecinit *Homerus*, in bello Troiano non me-  
 diocrem commilitonibus suis opem tulerunt.  
 Hos uero non in pestilentia, neque in uariis ge-  
 neribus morborum, sed uulneribus tantum fer-  
 ro et medicamentis mederi solitos esse, *Idem*  
 proposuit. Imo multo ante Chironem Cen-  
 taurum, a quo Chirurgiam dictam quidam ex-  
 istimant, artem hanc illustrasse, perhibetur.  
 Hanc Medicinae partem ab Hippocrate, omnis  
 Medicinae Parente, magis, quam a prioribus, ex-  
 cultam esse, restantur eius scripta. Deinde,  
 posteaquam diducta ab aliis, habere Professores  
 suos coepit, in Aegypto quoque increuit, Phi-  
 loxeno maxime auctore, qui pluribus uolumi-  
 nibus hanc partem diligentissime comprehen-

dit, uti uidere est apud *Celsum Praefat. ad L. VII.* Eandem etiam Romae non mediocres habuisse Professores, quorum eruditissimus Megetes fuit, *Idem* testatur. Peruersum ergo est iudicium eorum, qui Chirurgiam infra Medici dignitatem constituunt, et indecorum esse, Medicum Chirurgiam exercere, putant. Medicus perfectus, ut iudicat *Rodericus a'Castro in Med. Polit. L. II. Cap. 3.* Chirurgus fit, omnino oportet, aut certe ipsam artem Chirurgiae exactissime calleat, tametsi eam manibus non exerceat. Merito igitur Chirurgia ars nobilissima, et principalis Medicinae pars, adeoque Medico omnino digna habetur. Illa enim saepissime morbos, qui medelam per pharmaca non admittunt, sanare nouit. *Quaecunque*, inquit *Hippocrates, L. VIII. Aph. 6. non sanant Medicamenta, ea ferrum sanat. Quae ferrum non sanat, ea ignis sanat. Quae ignis non sanat, ea incurabilia putare oportet.* Dolendum autem maximopere est, praestantissimam hanc artem in Germania nostra hucusque adeo neglectam fuisse, ut uulgares Chirurghi ultra uenaesectiones et scarificationes uix sapiant, et barbitonsores in ignominiam artis nobilissimae audiant. Fit inde, ut homines cum eiusmodi morbis confluentes, qui Chirurgicam opem postulant, ad Empiricos et circumforaneos, audacia magis, quam opera-

tio-

tionum Chirurgicarum, atque Anatomicarum  
scientia instructos, confugere necesse habeant.  
Si quaeras, penes quem culpa lateat? non sane  
Chirurgorum negligentiam, sed Magistratuum  
sacordiam hic accusandam esse, patet. Di-  
cas enim, quaeso, ubinam locorum in Germa-  
nia, si Nosocomia, tempore belli in castris existen-  
tia, excipias, Anatomiam et operationes addi-  
scendi haecenus data sit occasio? Nunquam  
ergo satis, et pro merito, celebrari potest Po-  
tentissimi Borussiae Regis Munificentia incom-  
parabilis, qua huic defectui medelam afferre su-  
cepit, fundando Berolini in Regia sede splen-  
didissimum Collegium Medicum atque Nosoco-  
mium, Maison de Charité dictum, in quibus  
sektiones Cadauerum numerosissimorum, et  
operationes Chirurgicae copiosissimae, in usum  
Medicinae et Chirurgiae tironum, perficiuntur.  
Vtinam alii Germaniae Principes Exemplum  
hoc fulgentissimum imitarentur, et Nosoco-  
mia inprimis in Academiis conderent, ut fu-  
turi Medici et Chirurghi ad Praxin Medicam,  
Anatomicam, atque Chirurgicam praeparari  
possent. ! Haec autem sunt pia desideria, de  
quibus nunc plura non addo, meque potius ad  
uitae studiorumque curriculum clarissimi Can-  
didati, ab ipso expositum, accingo.

Ego

## IOH. DANIEL BEHRENS

*in lucem editus sum Torgaviae, Anno recuperatae salutis MDCXCIX. die XXV. Ianuarii, Patre GABRIELE BEHRENSIO, Peina-Hildesheimensi, Chirurgo Torgaviensis Praefecturae iurato iam beate demortuo, Matre ROSINA, genere RVHLIN adhuc inter uiuos agente. Horum carissimorum Parentum prima et praecipua cura fuit, ut non solum, sacro baptismatis fonte ablutus, Christo traderer, sed etiam postea literarum rudimenta addiscerem, atque in pietate non minus, quam optimis quibusque artibus ac scientiis erudirer. Ideoque nihil intermiserunt, neque priuatim, nec publica in schola, quod ad me erudiendum pertineret. Quem in finem, post alios, cum publicae, tum priuatae informationi Dn. STEINBRECHERI, olim Torgaviensis, nunc Hirschbergensis Scholae Rectoris meritisimi, Dn. FECKNONIS p. t. Rectoris, Dn. IANI, Con-Rectoris, Dn. SCHROEDTERI Sub-Rectoris, Collegarum, et Lycei Torgaviensis Praeceptorum fidelissimorum, me commiserunt. Quorum cura, solertia, et dexteritate fideliter, sufficienterque instructus, Academiam hanc Anno MDCCXX. adii, cuius in Album die XXII. Aprilis Rectore Magnifico,*



*fco, Dn. Io. GOTHOFREDO DE BERGER,*  
Consiliario Aulico et Archiatro Regio, Or-  
dinis Medici Professore Primario, ac totius  
Academiae Seniore, *Patrono meo, omni uene-*  
*rationis cultu prosequendo, inscriptus sum. Ex*  
*qua bonarum artium mercatura ne inanis re-*  
*divem, Celeberrimorum in hac Academia Pro-*  
*fessorum usus sum institutione. Praeprimis*  
Dn. CHRISTIANI VATERI Consiliarii Au-  
lici, et Archiatri Anhaltini, Medicinae Pro-  
fessoris Publici, itemque Physici Prouinc.  
Saxonici celeberrimi, h. t. Rectoris Magnifi-  
ci, Physicam experimentalem, Praxin Me-  
dicam, Chirurgiam, *et alia, exponentis, Dn.*  
ABRAHAMI VATERI, Praesidis, et Praecep-  
toris mei, *perpetuo suspiciendi, totam Medi-*  
*cinam, tam theoreticam, quam practicam,*  
*Anatomiam, Botanicam, et reliqua, traden-*  
*tis, Dn. D. MARTINI GOTTHELF LOE-*  
*SCHERI, Physices et Medicinae Prof. Publici,*  
*Sereniss. Ducis Saxo-Vinariensis Physici*  
*Prouinc. Physicam, experimentis illustratam,*  
*praelegentis, Dn. D. Io. FRIDERICI WEID-*  
*LERI, Mathemat. Superior. Profess. P. Ma-*  
*thesin docentis, praelectionibus publicis et pri-*  
*uatis frequens interfui, sectiones cadauerum,*  
*tam publice, quam priuatim spectavi, nec*  
*quicquam praetermisi, quae Medicum et inua-*  
*re,*

*re, et ornare possent. Nunc autem, studiorum Academicorum cursu absoluto, in Patriam rediturus, ab Ordine Medicorum. Gratoso, ut me Summis honoribus ornarent, decenter petii. Haecenus ille.*

Ad examina sueta itaque NOSTER iam superioris anni Mense Aprilis admissus, uoto et expectationi Facultatis satisfecit, adeoque dignus habitus est, qui summis in Arte nostra honoribus ornaretur. Hoc ut more Maiorum fiat, sequente die Martis, mecum cathedram conscendet, atque sub meo Praesidio Dissertationem Inauguralem, de *Sarcomate, e pudendo muliebri exsesto*, conscriptam, defendet. Ad hunc audiendum ut RECTOR MAGNIFICVS, ILLUSTRISSIMVS COMES, PERILLVSTRIS LIBER BARO, omnesque bonarum *Artium Fautores*, beneuole accedant, perhumaniter rogantur.

---

VITENBERGAE  
LITERIS VIDVAE GERDESIAE

94 A 7368

ULB Halle  
002 928 582


3



10 17







13  
ORDINIS MEDICORVM  
IN  
ACADEMIA WITTENBERGENSI  
H. T. DECANVS  
**ABRAHAMVS  
VATER**

D. et P. P.

ANAT. ET BOTAN. SVBSTITVT. NEC NON  
SOCIETATVM IMP. NAT. CVR. ET REG.  
BRITANN. SOCIVS

LECTORI BENEVOLO  
SALVTEM DICIT